



**FINANSIJSKI IZVJEŠTAJ  
ZA 2018. GODINU**

Tuzla, mart 2019. godine

## SADRŽAJ

Uvodne napomene .....	2
1. Programska načela djelovanja u 2018. godini.....	2
2. Opći podaci PDA .....	4
3. Organizacija PDA.....	5
4. Osnove za izradu finansijskog izvještaja .....	6
5. Ostvareni prihodi u 2018. godini.....	6
5.1. Prihodi od članarina .....	7
5.2. Prihodi od dobrovoljnih priloga.....	7
5.3. Prihodi od izdavačke djelatnosti, prodaje propagandnog materijala i organiziranja partijskih manifestacija .....	8
5.4. Prihodi od imovine u vlasništvu političke stranke .....	9
5.5. Prihodi iz budžeta.....	9
5.6. Prihodi od dobiti od preduzeća koja su u vlasništvu političke stranke .....	9
6. Ostvareni rashodi u 2018. godini .....	9
6.1. Režijsko-administrativni i ostali troškovi .....	9
6.2. Troškovi propagande.....	10
6.3. Investicije .....	10
7. Rezultat poslovanja .....	10
Zaključne napomene .....	10

## POPIS TABELA

Tabela 1 – Struktura ostvarenih prihoda u 2018. godini .....	9
Tabela 2 – Struktura ostvarenih rashoda u 2018. godini .....	9
Tabela 3 – Ostvareni poslovni rezultat u 2018. godini .....	10

## POPIS PRILOGA

Prilog 1: Godišnji finansijski izvještaji iz člana 36. Zakona o računovodstvu i reviziji u Federaciji Bosne i Hercegovine („Službene novine FBiH“ broj 83/09):.....	11
Prilog 2: Obrasci iz člana 5 Pravilnika o godišnjim finansijskim izvještajima političkih stranaka („Službeni glasnik BiH“ broj: 96/13 i 89/16): .....	11

## Uvodne napomene

Na osnovu člana 13 stav 3 Zakona o političkim organizacijama (“Službeni list SR Bosne i Hercegovine”, broj: 27/91), 24. marta 2018. godine održana je Osnivačka skupština političke organizacije “Pokret Demokratske Akcije“, na kojoj je usvojen Program rada političke organizacije „POKRET DEMOKRATSKE AKCIJE“ sa skraćenim nazivom “PDA”.

Cilj i razlog osnivanja PDA je potreba da se pokrene, afirmiše, vodi i realizira novo političko djelovanje u bosanskohercegovačkom društvu, zasnovano na radu i odgovornosti, a radi rekonstruisanja i osnaženja svih oblika političke i institucionalne vlasti u skladu s temeljnim načelima država članica Europske unije, kojima teži naša domovina Bosna i Hercegovina.

Statutom Pokreta demokratske akcije (usvojen na Osnivačkoj skupštini održanoj 24. marta 2018. godine), u članu 9 definisani su ciljevi PDA, a članom 10 definisano je ostvarivanje programskih ciljeva.

Program rada političke partije „Pokret Demokratske Akcije“ u osnovi se zasniva na očuvanju države Bosne i Hercegovine kao suverene, demokratske i nedjeljive države svih naroda i građana koji u njoj žive. U tom cilju svoje političko djelovanje zasnivamo na poštivanju prava kako bi Bosna i Hercegovina uistinu postala pravna i efikasna država, u kojoj će se uvažavati jasna podjela vlasti na zakonodavnu, izvršnu i sudsku, uz međusobno poštivanje njihovih nadležnosti i neovisnosti.

Pokret Demokratske Akcije je politička partija demokratskog centra i sa svojim programom i ciljevima je nezaobilazan politički faktor u narednom periodu. Takođe, PDA će u svom radu i djelovanju slijediti put izvorne ideje i ideale prvog predsjednika Republike Bosne i Hercegovine Alije Izetbegovića, i uz jaku podršku građana, sa snažnom političkom pozicijom, biti spremna da preuzme odgovornost, i svojim radom da se bori za opstojnost države BiH, za trajni mir, ekonomski napredak i sigurniji i kvalitetniji život svakog pojedinca.

Odredbama člana 36 Statuta Pokreta demokratske akcije (usvojen na Osnivačkoj skupštini održanoj 24. marta 2018. godine), data je nadležnost Predsjedništvu stranke da razmatra i predlaže finansijski izvještaj Glavnom odboru stranke, a odredbama člana 54 Statuta je definisano da predsjednik PDA i članovi Predsjedništva PDA imaju sva ovlaštenja organa u skladu sa Statutom PDA i da će obavljati funkciju Glavnog odbora stranke.

### 1. Programska načela djelovanja u 2018. godini

Programska načela djelovanja PDA BiH s prijedlogom mjera, utvrđena su u dokumentu Programski ciljevi i mjere PDA, a sačinjeni su na osnovu analize najvažnijih pitanja i problema sa kojima se Bosna i Hercegovina danas suočava. Programska načela i mjere predstavljaju osnovne naznake djelovanja i osnovne aktivnosti koje će PDA BiH poduzimati da bi se poboljšao i unaprijedio život svih građana Bosne i Hercegovine.

Osnovna programska načela djelovanja PDA su:

1. PDA je odana ideji očuvanja cjelovitosti, suverenosti i teritorijalnog integriteta države BiH;
2. PDA je opredijeljena za integrisanje i članstvo Bosne i Hercegovine, kao cjelovite i demokratske države, u Europskoj Uniji i euroatlantskim asocijacijama;

3. PDA se zalaže za izgradnju Bosne i Hercegovine, kao države regija, koje su uspostavljene na bazi ekonomskih, historijskih i komunikacijskih povezanosti, uvažavajući multietničnost konstitutivnih naroda, građana i nacionalnih manjina koji žive u BiH;
4. PDA će osigurati zaštitu i unaprjeđenje ljudskih prava i temeljnih sloboda, državu u kojoj se uvažavaju prava i slobode čovjeka i građanina na cijeloj njenoj teritoriji;
5. PDA će raditi na stvaranju ambijenta u kojem će mlade generacije preuzeti odgovornost za sudbinu Bosne i Hercegovine, kako bi njen razvoj odredile prema mjeri svojih vizija budućnosti, mira i općeg prosperiteta svoje domovine;
6. PDA se zalaže za očuvanje vrijednosti antifašizma na kojima je sazdan demokratski svijet;
7. PDA je opredijeljena za očuvanje tekovina odbrambeno-oslobodilačkog rata 1992-1995., gdje se borcima i braniocima BiH mora vratiti dignitet i dostojanstvo, a kroz zakonom utvrđena prava, i u skladu sa mogućnostima države;
8. PDA se zalaže za zabranu negiranja genocida i presuđenih zločina, kao i borbu da se svi zločini otkriju i počinioci sankcionišu, te da se pronađu sve nestale osobe i dostojanstveno, po principima i volji porodica, iste sahrane;
9. PDA će istrajati na osiguranju prava na povratak i stvaranju uslova za održiv povratak, sa posebnom pažnjom na sigurnost povratnika, pravo na obrazovanje na maternjem jeziku, ekonomski razvoj, podršku zapošljavanju i stabilnu egzistenciju;
10. PDA će se zalagati za demografsku obnovu Bosne i Hercegovine stimulativnom i humanom politikom nataliteta, te tražiti da se državnim mjerama zaštiti majčinstvo, i potiče podizanje i odgoj djece;
11. PDA je opredijeljena, polazeći od univerzalnih vrijednosti slobode, jednakosti, pravde i solidarnosti, da gradi socijalnu državu unutar koje će biti osiguran jednak pristup radu, socijalnoj sigurnosti, zdravlju, humanom stanovanju, obrazovanju, kulturi i sportu za sve, a posebnu senzibilnu za penzionere, invalide, djecu bez roditelja, nezaposlene i stare;
12. PDA se snažno zalaže razvoj i jačanje lokalne samouprave, na temelju i principima europskih konvencija i povelja o lokalnoj samoupravi, jer samo jake lokalne zajednice čine jaku, snažnu i ekonomski prosperitetnu Bosnu i Hercegovinu;
13. PDA smatra da lokalne zajednice (općine i gradovi) moraju imati punu autonomiju, i osiguranu mogućnost da samostalno reguliraju pitanja iz lokalnog ekonomskog i infrastrukturnog razvoja, koja će se inkorporirati u strategije i planove viših nivoa vlasti;
14. PDA će insistirati na pravednijoj i poštenijoj raspodjela javnih prihoda i stvaranju preduvjeta za ravnomjeran razvoj države, entiteta, kantona i lokalnih zajednica, uspostavljanju i održavanju egzistencijalne ravnopravnosti svih naroda i građana BiH;
15. PDA će podržati lokalnu, kantonalnu, entitetsku i međudržavnu saradnju zasnovanu na principima međusobnog uvažavanja;
16. PDA cijeni da nisu iskorišteni ekonomski, obrazovni, intelektualni i materijalni kapaciteti i uticaj građana koji žive van BiH (BH Dijaspore), a u cilju unaprjeđenja razvoja bh društva i države, osjećaja pripadnosti dijaspore svojoj domovini, te u tom smislu će formirati posebne državne organe i donijeti strategiju na nivou države;
17. PDA podržava i zalagat će se razvijanje prosperitetne tržišne ekonomije na jedinstvenom ekonomskom prostoru BiH, razvoj infrastrukturnih energetskih projekata, te očuvanje energetskih i drugih resursa BiH;
18. PDA je opredijeljena za održivi razvoj Bosne i Hercegovine utemeljen na geografski balansiranom i ravnomjernom ekonomskom razvoju, sa konkurentnom ekonomijom koja će osigurati nova zapošljavanja i društveni napredak, te posebnom pažnjom na zaštitu i unaprjeđenje kvalitete životne sredine;
19. PDA se zalaže za razvijanje putne infrastrukture i ubranu izgradnju autoputeva, regionalnih puteva i drugih bitnih komunikacijskih infrastrukture;

20. PDA je opredijeljena za obrazovanje mladih u skladu sa europskim standardima i savremenim potrebama društva, te stvaranje ambijenta koji će zaustaviti odliv stručnih kadrova i mladih iz domovine Bosne i Hercegovine;
21. PDA se isključivo zalaže za vladavinu prava, podjelu vlasti i neovisne pravosudne institucije. PDA podržava borbu protiv kriminala i korupcije kroz dosljednu primjenu zakona i propisa, bez izuzetka;
22. PDA se zalaže da policijske, sigurnosne i vojne strukture u Bosni i Hercegovini moraju biti finansijski neovisne, materijalno opremljene, pod civilnom komandom i parlamentarnim nadzorom, sa visokim stepenom hijerarhijske i profesionalne uređenosti;
23. PDA podržava donošenje zakona i provedbu postojećih zakona o zabrani ispoljavanja svakog oblika radikalizma, vjerske i nacionalne mržnje, a zbog kojih bi mogao biti narušen mir i stabilnost kao trajno opredjeljenje ove Stranke;
24. PDA podržava osiguranje punih vjerskih sloboda vjerskih zajednica, kulturu dijaloga različitosti kao prednosti Bosne i Hercegovine, i afirmaciju bosanskohercegovačkog identiteta svih građana BiH, te očuvanje kulturne i prirodne baštine BiH.
25. PDA je bosanskohercegovačka evropska narodna stranka političkog centra, otvorena za sve građane, bez obzira na vjersku, nacionalnu, socijalnu ili drugu pripadnost, vjerna ideji društva jednakih šansi, u kojem se zasluge mjere i vrednuju prema radu.

Djelujući u okviru utvrđenih programskih načela, PDA je definisala ključne programske ciljeve i mjere za njihovu realizaciju, koji su predstavljeni u dokumentu Programski ciljevi i mjere PDA i za čije ostvarivanje je neophodno obezbjediti finansijska sredstva a čije prikupljanje i utrošak se planira u skladu sa ovim Finansijskim planom.

## 2. Opći podaci PDA

Politička stranka „Pokret demokratske akcije“ (skraćeni naziv PDA) upisana je u jedinstveni registar Političkih organizacija Općinskog suda u Tuzli u knjigu I pod rednim brojem 1/18 dana 30. marta 2018. godine.

Naziv političke stranke (kako je registrovana u nadležnom sudu)	POKRET DEMOKRATSKE AKCIJE
Skraćeni naziv	PDA
Adresa	Fra Grge Martića 8
Sjedište	Tuzla
Telefon	035 266 388
Fax	035 266 388
E-mail adresa	<a href="mailto:pdabih@yahoo.com">pdabih@yahoo.com</a>
Web adresa	<a href="http://www.pdabih.org">www.pdabih.org</a>
Identifikacioni broj	4210325570007
Šifra djelatnosti	94.92
Sud u kojem je izvršena registracija	Općinski sud u Tuzli
Broj i datum upisa u sudski registar	032-0-Reg-18-000577 od 30.3.2018.

### 3. Organizacija PDA

U skladu sa članom 11 Statuta, PDA je organizovana na teritorijalnom principu kao: mjesni ogranci, općinske/gradske organizacije, kantonalne/regionalne organizacije i centralni organi stranke. Uspostavljene su sljedeće gradske/općinske organizacije, kantonalne/regionalne organizacije:

- Kantonalni odbor PDA Tuzlanskog kantona
  - Gradski odbor PDA Tuzla
  - Općinski odbor PDA Banovići
  - Općinski odbor PDA Čelić
  - Općinski odbor PDA Doboj Istok
  - Općinski odbor PDA Gračanica
  - Općinski odbor PDA Gradačac
  - Općinski odbor PDA Kalesija
  - Općinski odbor PDA Kladanj
  - Općinski odbor PDA Lukavac
  - Općinski odbor PDA Sapna
  - Općinski odbor PDA Srebrenik
  - Općinski odbor PDA Teočak
  - Općinski odbor PDA Živinice
- Kantonalni odbor PDA Zeničko-dobojskog kantona
  - Gradski odbor PDA Zenica
  - Općinski odbor PDA Kakanj
  - Općinski odbor PDA Olovo
  - Općinski odbor PDA Breza
  - Općinski odbor PDA Visoko
  - Općinski odbor PDA Vareš
  - Općinski odbor PDA Tešanj
  - Općinski odbor PDA Maglaj
  - Općinski odbor PDA Zavidovići
  - Općinski odbor PDA Žepče
- Kantonalni odbor PDA Srednjobosanskog kantona
  - Općinski odbor PDA Novi Travnik
  - Općinski odbor PDA Bugojno
  - Općinski odbor PDA Busovača
  - Općinski odbor PDA Vitez
- Kantonalni odbor PDA Posavskog kantona
- Regionalni odbor PDA Srednje Podrinje
  - Općinski odbor PDA Srebrenica
  - Općinski odbor PDA Milići
  - Općinski odbor PDA Zvornik
  - Općinski odbor PDA Bratunac
- Regionalni odbor PDA Bosanska Krajina - Prijedor
- Povjereništvo PDA Brčko distrikta BiH

U skladu sa odredbom člana 12 Statuta u okviru PDA na svim nivoima djeluju asocijacije žena i asocijacije mladih.

U toku 2019. godine bit će poduzete aktivnosti uspostave novih gradskih/općinskih, odnosno kantonalnih/regionalnih organizacija.

#### 4. Osnove za izradu finansijskog izvještaja

Osnov za izradu finansijskog izvještaja je definisan sljedećim pravnim aktima:

- Izborni zakon Bosne i Hercegovine („Službeni glasnik BiH“ broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16)
- Zakon o finansiranju političkih stranaka („Službeni glasnik BiH“ broj: 95/12 i 41/16)
- Zakona o računovodstvu i reviziji u Federaciji Bosne i Hercegovine (“Službene novine Federacije BiH broj: 83/09)
- Statut Pokreta demokratske akcije. (usvojen na Osnivačkoj skupštini održanoj 24.03.2018..godine)
- Pravilnik o godišnjim finansijskim izvještajima političkih stranaka („Službeni glasnik BiH“ broj: 96/13 i 89/16)
- Pravilnik o predizbornim i postizbornim finansijskim izvještajima političkih stranaka, (broj: 05-1-02-2-77-1/18 od 25.01.2018. godine)
- Pravilnik o računovodstvu i računovodstvenim politikama (broj: 83/2018 od 16.07.2018. godine)
- Pravilnik o finansijskom poslovanju (broj 84/2018 od 16.07.2018. godine)
- Pravilnik o blagajničkom poslovanju (broj: 85/2018 od 16.07.2018 godine)
- Praktikum za finansiranje izborne kampanje i političkih stranaka, izdavač CIK BiH, Sarajevo 2018. godine, ISBN 978-9958-555-37-4
- Korisničko uputstvo za podnošenje finansijskih izvještaja putem aplikacije „FI CIK BIH“, izdavač CIK BiH, Sarajevo, decembar 2016. godine.

#### 5. Ostvareni prihodi u 2018. godini

U toku 2018. godine, od 30. marta 2018. godine, kao dana registracije, do 31. decembra 2018. godine, stranka PDA je ostvarila prihode u ukupnoj vrijednosti od 216.137,13 KM, sa sljedećom strukturom:

Tabela 1 – Struktura ostvarenih prihoda u 2018. godini

Redni broj	Vrsta prihoda	Iznos u KM
1	Članarine	11.187,68
2	Dobrovoljni prilozi fizičkih lica veći od 100 KM	119.702,45
3	Dobrovoljni prilozi pravnih lica veći od 100 KM	68.950,00
4	Nenovčane donacije i računi koje politička stranka nije imala obavezu plaćati	16.297,00
5	Prihodi od izdavačke djelatnosti, prodaje propagandnog materijala i organiziranja stranačkih skupova	0,00
6	Prihodi od imovine u vlasništvu političke stranke	0,00
7	Prihodi iz budžeta	0,00
8	Dobit pravnih lica u vlasništvu političke stranke	0,00
		<b>216.137,13</b>

Prema odredbama Zakona o finansiranju političkih stranaka, politička stranka PDA može se finansirati iz:

- a) članarina,
- b) dobrovoljnih priloga pravnih i fizičkih lica,
- c) izdavačke djelatnosti, prodaje propagandnog materijala i organiziranja partijskih manifestacija,
- d) prihoda od imovine u vlasništvu političke stranke,
- e) budžeta BiH u skladu s članom 7 zakona, entitetskih budžeta, kantonalnih budžeta i budžeta Brčko Distrikta BiH, te budžeta drugih jedinica lokalne uprave i samouprave u skladu sa zakonom,
- f) dobiti od preduzeća koja su u vlasništvu političke stranke,

s tim da se preduzeće iz tačke f) ovog može baviti samo djelatnošću vezanom za kulturu ili izdavačkom djelatnošću. Godišnji prihod stranke iz tačke d) i f) ovog člana ne smije prelaziti 20% iznosa ukupnog godišnjeg prihoda stranke.

### **5.1. Prihodi od članarina**

Članarinom se, u smislu zakona, smatra redovni novčani iznos koji član političke stranke plaća na način i pod uslovima utvrđenim njenim Statutom ili drugim aktom.

Članarina kao izvor finansiranja političke stranke PDA je utvrđena Odlukom o visini i načinu plaćanja članarine.

Iznos članarina u 2018. godini ostvaren je u visini od 11.187,68 KM.

### **5.2. Prihodi od dobrovoljnih priloga**

Dobrovoljnim priložima, u smislu zakona, smatraju se povremene ili redovne uplate kojima fizička ili pravna lica dobrovoljno daju novac stranci u iznosu većem od iznosa članarine, kao i pružanje usluga ili davanje proizvoda stranci bez naplate.

Za dobrovoljne priloge koji se daju stranci u formi proizvoda ili usluga fizička i pravna lica dužna su izdati račun na kojem će biti naznačena tržišna vrijednost darovanog proizvoda ili usluge, te na kojem je naznačeno da glasi na stranku i da ne podliježe naplati.

Fizička i pravna lica mogu davati dobrovoljne priloge stranci jednokratno ili više puta tokom kalendarske godine.

Dobrovoljni prilozima u novcu uplaćuju se na transakcijski račun centrale političke stranke.

Ukupan iznos dobrovoljnih priloga fizičkog lica jednoj političkoj stranci ne smije prelaziti iznos od 10.000,00 KM (desethiljada konvertibilnih maraka) u kalendarskoj godini.

Ukupan iznos dobrovoljnih priloga pravnog lica jednoj političkoj stranci ne smije prelaziti iznos od 50.000,00 KM (pedesethiljada konvertibilnih maraka) u kalendarskoj godini.

Ukupan iznos koji član političke stranke uplati na ime stranke u toku jedne kalendarske godine ne može prelaziti iznos od 15.000,00 KM (petnaestihiljada konvertibilnih maraka), što uključuje i članarine.

Finansiranje stranke zabranjuje se:



- a) organima uprave države BiH, entiteta, kantona, Brčko Distrikta BiH, te gradskim i općinskim organima,
- b) javnim institucijama,
- c) javnim preduzećima,
- d) humanitarnim organizacijama,
- e) neimenovanim, odnosno anonimnim donatorima,
- f) vjerskim zajednicama,
- g) sindikatima, uduženjima i drugim neprofitnim organizacijama koje se finansiraju javnim sredstvima bez obzira na iznos sredstava,
- h) pravnim licima u kojima uloženi javni kapital iznosi najmanje 25%,
- i) drugim državama, stranim političkim partijama i stranim pravnim licima.

Zabrana iz tačke a) ne odnosi se na korištenje poslovnih prostorija koje stranka koristi na osnovu odluke nadležnog organa.

Privatna preduzeća koja su sa organima izvršne vlasti na svim nivoima u BiH sklopila ugovor o javnoj nabavci usluga, ugovor o javnoj nabavci roba ili ugovor o javnoj nabavci radova u skladu s propisima o javnim nabavkama u BiH ne mogu finansijski pomagati stranku ako vrijednost ugovora u jednoj kalendarskoj godini prelazi iznos od 10.000,00 KM (desethiljada konvertibilnih maraka).

Zabranjeno je davanje dobrovoljnih priloga u novcu ili u formi proizvoda posredstvom trećih lica (posrednika).

Eventualni dobrovoljni prilozima uplaćeni na račun stranke iz zabranjenih izvora, kao i iznosi dobrovoljnih priloga koji prelaze utvrđene iznose, te eventualne uplate dobrovoljnih priloga od neimenovanih, odnosno anonimnih izvora, stranka je dužna uplatiti u korist budžeta BiH, najkasnije u roku osam dana od dana primljene uplate, te o tome obavijestiti Centralnu izbornu komisiju BiH.

#### ***Prihodi od dobrovoljnih priloga fizičkih lica***

Dobrovoljni prilozima fizičkih lica u pojedinačnim iznosima većim od 100,00 KM ostvareni su u 2018. godini u iznosu od 119.702,45 KM.

#### ***Prihodi od dobrovoljnih priloga pravnih lica***

Dobrovoljni prilozima pravnih lica u pojedinačnim iznosima većim od 100,00 KM ostvareni su u 2018. godini u iznosu od 68.950,00 KM.

#### ***Prihodi od nenovčanih donacija***

Dobrovoljni prilozima fizičkih i pravnih u vidu nenovčanih donacija ostvareni su u 2018. godini u iznosu od 16.297,00 KM.

### **5.3. Prihodi od izdavačke djelatnosti, prodaje propagandnog materijala i organiziranja partijskih manifestacija**

Stranka ne vodi aktivnosti izdavačke djelatnosti, prodaje propagandnog materijala i organiziranja partijskih manifestacija te, shodno tome, nema ni ostvarenih prihoda od izdavačke djelatnosti, prodaje propagandnog materijala i organiziranja partijskih manifestacija.

#### 5.4. Prihodi od imovine u vlasništvu političke stranke

Stranka nema u vlasništvu imovinu u vidu nekretnina ili pokretnosti koje bi mogle biti predmet iznajmljivanja te, shodno tome, nema ni ostvarenih prihoda od imovine u vlasništvu političke stranke.

#### 5.5. Prihodi iz budžeta

Politička stranka PDA, kada je riječ o prihodima iz budžeta, u 2018. godini nije ostvarila prihode iz budžeta.

#### 5.6. Prihodi od dobiti od preduzeća koja su u vlasništvu političke stranke

Stranka nema u svom vlasništvu registrovana privredna društva – preduzeća niti ima udjele u vlasništvu drugih pravnih lica, te stoga nema ni planiranih prihoda od dobiti od preduzeća koja su u vlasništvu političke stranke.

### 6. Ostvareni rashodi u 2018. godini

U toku 2018. godine, od 30. marta 2018. godine, kao dana registracije, do 31. decembra 2018. godine, stranka PDA je ostvarila rashode u ukupnoj vrijednosti od 203.492,87 KM, sa sljedećom strukturom:

Tabela 2 – Struktura ostvarenih rashoda u 2018. godini

Redni broj	Vrsta rashoda		Iznos u KM
1	<b>Režijsko-administrativni i ostali troškovi</b>		<b>52.574,27</b>
2	<b>Troškovi propagande</b>		<b>150.918,60</b>
3	*	Troškovi štampanja plakata	0,00
4	*	Troškovi plakatiranja	2.382,10
5	*	Troškovi štampanja predizbornih oglasa, proglašenja, saopštenja i sl. u javnim glasilima	0,00
6	*	Troškovi organizacije i održavanja predizbornih skupova	87.505,27
7	*	Troškovi štampanja, umnožavanja i slanja predizbornih materijala biračima	44.343,14
8	*	Ostali troškovi propagande	16.688,09
			<b>203.492,87</b>

#### 6.1. Režijsko-administrativni i ostali troškovi

Režijsko-administrativni i ostali troškovi predstavljaju troškove koji su ostvareni u 2018. godini a razvrstani su u skladu sa Kontnim planom za udruženja i prema vrsti troškova koji su navedeni kao mogući izbor prilikom izvještavanja na obrascu 4.1 Finansijskih izvještaja koji se podnose CIK-u BiH. U ove troškove se ubrajaju redovni troškovi reklame i troškovi organizacije skupštine i drugih tijela stranke u skladu sa Statutom stranke PDA.

U prilogu: Režijsko-administrativni i ostali troškovi, Obrazac 4.1., dat je pregled strukture režijsko-administrativnih i ostalih troškova koji su ostvareni u 2018. godini kontirani u skladu sa Kontnim

planom za udruženja i prema vrsti troškova koji su navedeni kao mogući izbor prilikom izvještavanja na obrascu 4.1 Finansijskih izvještaja koji se podnose CIK BiH.

## 6.2. Troškovi propagande

Troškovi propagande predstavljaju troškove koji su ostvareni u 2019. godini a razvrstavaju se u skladu sa Kontnim planom za udruženja i prema vrsti troškova koji su navedeni na obrascu 4.2 Finansijskih izvještaja koji se podnose CIK-u BiH, a koji se odnose isključivo na troškove izborne kampanje.

U prilogu: Troškovi propagande, Obrazac 4.2., dat je pregled strukture troškova propagande koji su ostvareni u 2018. godini.

## 6.3. Investicije

Investicione aktivnosti u 2018. godini su ostvarene u dijelu nabavki stalnih sredstava u vidu namještaja i uredske opreme za neke od postojećih organizacijskih jedinica – odbora.

Izdaci za ove nabavke suostvareni u iznosu do 14.512,56 KM, od čega u vidu dobrovoljnih priloga fizičkih i pravnih u vidu nenovčanih donacija 13.497,00 KM. Predmetni izdaci nisu kategorija rashoda, osim u dijelu obračunate amortizacije, te kao takvi nemaju direktnog uticaja na poslovni rezultat.

## 7. Rezultat poslovanja

Ostvareni iznosi prihoda i rashoda rezultirali su ostvarenim viškom prihoda što predstavlja rezultat poslovanja.

Tabela 3 – Ostvareni poslovni rezultat u 2018. godini

Redni broj	Opis	Ostvareni iznos u 2018. god.
1	2	3
1	<b>Prihodi</b>	<b>216.137,13</b>
2	<b>Rashodi</b>	<b>203.492,87</b>
3	<b>Višak prihoda</b>	<b>12.644,26</b>

Ostvareni iznosi prihoda i rashoda rezultirao je viškom prihoda u iznosu od 12.644,26 KM, što je prikazano u Tabeli 5.

## Zaključne napomene

Finansijski izvještaj za 2018. godinu predstavlja rezultat djelovanja PDA u cilju realizacije programskih ciljeva i mjera PDA. Za realizaciju planiranih aktivnosti nadležni su organi i tijela PDA definisani Statutom PDA.

Ovaj izvještaj je sačinjen na osnovu proknjižene finansijske dokumentacije i kreiranih godišnjih finansijskih izvještaji iz člana 36 Zakona o računovodstvu i reviziji u Federaciji Bosne i Hercegovine („Službene novine FBiH“ broj 83/09), i izvještaja na obrascima iz člana 5 Pravilnika o godišnjim finansijskim izvještajima političkih stranaka („Službeni glasnik BiH“ broj: 96/13 i 89/16).

Ovaj Finansijski izvještaj za 2018. godinu se upućuje nadležnim organima stranke na razmatranje i usvajanje.

Ovaj Finansijski izvještaji za 2018. godinu, zajedno sa priložima bit će, shodno odredbi člana 13 stav 6 Zakona o finansiranju političkih stranaka, javno objavljeni na web stranici PDA [www.pdabih.org](http://www.pdabih.org).

Broj: 36 /19  
Tuzla, 27.03.2019. godine

Predsjednik  
dr. sc. Mirsad Kukić

## Prilozi

Prilog 1: Godišnji finansijski izvještaji iz člana 36. Zakona o računovodstvu i reviziji u Federaciji Bosne i Hercegovine („Službene novine FBiH“ broj 83/09):

- a) Bilans stanja na dan 31.12.2018. godine
- b) Bilans uspjeha za period od 01.01. do 31.12.2018. godine
- c) Izvještaj o gotovinskim tokovima za 2018. godinu, zaključno sa 31.12.2018. godine
- d) Izvještaj o promjenama u kapitalu za period koji završava na dan 31.12.2018. godine
- e) Bilješke uz finansijske izvještaje za period 01.01. - 31.12.2018. godine

Prilog 2: Obrasci iz člana 5 Pravilnika o godišnjim finansijskim izvještajima političkih stranaka („Službeni glasnik BiH“ broj: 96/13 i 89/16):

- a) Opći podaci o političkoj stranci Obrazac 1
  - 1) teritorijalna struktura političke stranke Obrazac 1.1.
- b) Pregled prometa novčanih sredstava političke stranke
  - 1) Pregled prometa svih transakcijskih računa političke stranke Obrazac 2
  - 2) Pregled prometa blagajne Obrazac 2.1.
- c) Izvori finansiranja političke stranke s pregledom izvora finansiranja po organizacionim dijelovima stranke Obrazac 3 i Prilog uz obrazac 3
  - 1) dobrovoljni prilozi fizičkih lica veći od 100 KM Obrazac 3-a
  - 2) dobrovoljni prilozi pravnih lica veći od 100 KM Obrazac 3-b
  - 3) prihodi od imovine u vlasništvu političke stranke Obrazac 3-c
  - 4) dobit pravnih lica u vlasništvu političke stranke Obrazac 3-d
  - 5) nenovčane donacije i računi koje politička stranka nije imala obavezu plaćati Obrazac 3-e
  - 6) prihodi iz budžeta Obrazac 3-f
  - 7) prihodi od izdavačke djelatnosti, prodaje propagandnog materijala i organiziranja stranačkih skupova Obrazac 3-g
- d) Rashodi političke stranke s pregledom rashoda po organizacionim dijelovima stranke Obrazac 4 i Prilog uz obrazac 4
  - 1) režijsko-administrativni i ostali troškovi Obrazac 4.1.
  - 2) troškovi propagande Obrazac 4.2.
- e) Obaveze političke stranke Obrazac 5